

Ꞗapiya Sën Yut Kevu Vu Kerisi-yi-alam

¹ Sa Yut, sën Yesu Kerisi yi hur sa, geYakobus ari sa. Lom sa Ꞗevu Ꞗapiya sënë yök vu ham sën hil Amad Anutu ggooin ham raꞖ bahë neving ham beneğin ham nivesa in Yesu Kerisi yi alam ham lo. ² Sa bë Anutu kwa paya in ham rot megevonğ beham ayomin gëp revuh, bahë geving ham pangşën.

Yut Nër Ğağek RaꞖ Alam Sën Bë Dekevoh Bengö Nivesa Na Lo

³ Sa mehö lo-e, sahëğ neving ham, om sa bë Ꞗevu Ꞗapiya ti nõk vu ham menanër Ğağek la jaꞖ sën Anutu neko hil pin loꞖ ti yom vu yi lo. RëꞖ ma gesa halë bë huk neggëp vu sa bë sa Ꞗevu Ğağek ngwë vu ham nabë: Anutu-yi-alam hil, behil haꞖo Bengö Nivesa vorot. RëꞖ alam vahi bë dedahun na, om sën sa bë nanër vu ham nabë ham nimin wëëk, beham gwedu sir nah, in Ğağek pin sën hil nehevong ving agi bare niwëëk. ⁴ In alam vahi devun sir medeloꞖ yam ving ham geham su neraꞖ nij rë. In Anutu-yi-alam dekevu Ğağek raꞖ sir wirek meneggëp vorot bë alam nebë sënë rëꞖ deberup, beham lë ggovek ya. Log Ğağek sagi nër bë rëꞖ degeko nyëvewen berëꞖ malaj nama. In nij nelëlin Anutu medenepekwë yi Ğağek semusën sën nevo vu hil nyëmasën lo, medenenër nebë hil ayoh vu bë gevonğ baggëb jeggin jeggin, geğağek rëꞖ nama. Log deneruu demij vu hil alad perurek timu sën hil Mehöböp Yesu Kerisi lo.

⁵ Wirek Mehöböp ko alam Israel vër in dob Ejep gedeneyom, loꞖ nahub rë lob sis alam sën su ayoj neya timu vu yi rë lo bedediik. Sagi ham raꞖ ni, rëꞖ sa bë bër ham kwamin gökin.

⁶ Log sa bë bër ham kwamin jaꞖ angër lo geving rë. Wirek og denedo nivesa loꞖ hir huk muğinsën, rëꞖ ma gedevuu hir nyëğ ya gedevonğin bë degeko sir jaꞖ. Lob Anutu duu sir raꞖ sëng sën gëp degwata los degwata lo, betunğ sir loꞖ ya denedo malakenu nipaya medeneğin Anutu yi buk böpata sën seggi alam pin hir Ğağek lo.

⁷ Log wirek og alam Sodom los Gomora, galam begganğ böp vahi sën denedo dus vu sir lo, og yiꞖ denevonğ ngaa nipaya nebë saga ving.

Malaj nesepa baggëb gedenevongŋŋaa nipaya nimumsën-yi ving maluh los avëh vahi jeggŋn jeggŋn. Nebë sënë lob Anutu vo nyëvewen vu sir bedenedo loḵ nengwah sën su nekul ya rë lo degwata los degwata. Lobŋaa sënë tato vu hil in bë hil agöneng in gehil su tamuŋn sir. ⁸Rëḵ mu alam vahi sën senër gwëbeng bë devun sir loḵ ham vuheng lo, og yiḵ denevongŋ nebë sënë ving. Vongŋ bë deneggëp medenepesep, om sën yö denetetuhin sir bë Anutu su rëḵ bo doḵ nah nyëvewen vu sir rë, lom denevongŋ rii raḵ navij raḵŋaa sën su yoh vu rë lo. Log su denebë nengaj vu hil Mehöböp yi gaḡek rë, log denenër gaḡek pelësën raḵ angër sën niwëek los arëj böp lo ving. ⁹Rëḵ sagaḵ su yoh vu rë. In wirek og angër yuseḵë Mikael luho Satan denenër sir bedeggök sir in Moses navi bë ngwë tena geḵo. Rëḵ mu Mikael su ḵo yi raḵ nebë sënë menër gaḡek pelësën raḵ Satan rë, gaḵ yiḵ dahun yi menër bë, “Mehöböp yö rëḵ bo gaḡek jaḵ hong!” ¹⁰Rëḵ mu alam vahi sën senër lo, og denenër gaḡek nipaya raḵŋaa pin sën su deneraḵ degwa ni rë lo. Gaḵŋaa sën denevongŋ lo, og denesepa loḵŋaa sën navij nevonḡin lo nebë sën böök los anöo denevongŋ lo, lobŋaa sënë rëḵ basap sir bemalaj nama. ¹¹Om gëp in sir, in denesepa loḵ Kain vaha, log yiḵ deneserög pevis in bë degevonḡŋaa nipaya nabë sën Balaam nevonḡ wirek bemala anon in ḵupeḵ lo. Log denevongŋŋaa sevök sevök vu Anutu nebë sën wirek Kora nevonḡ lo, om rëḵ malaj nama yönon rot.

¹²Log sën ham nedo revuh ti menevonḡ nos böp ahëvingsën-yi lo, og alam sagi denelukŋ yök ving besir nebë saap sën neggëp vunsën loḵ loo ayo beneveröp yaḡ lo. In malaj anon in nos mu medeneyam, besir nebë anöo bekwaj nevo sir mu. Alam sagi og sir nebë beggob sën sangŋ neḵo sir beneḵo loḵ loḵ lo, rëḵ mu hob su loḵ nedo meneto rë gema. Gesir nebë aperek maluh sën su denesis anoj loḵ hir buk rë lo. Aperek nebë sënë og vonḡ bë dediikŋ beron luu, in ngwë sën su denesis anoj rë lo, log ngwë sën hil navuv sir ya los degwaj lo. ¹³Log sir nebë loo. Denevongŋŋaa nimumsën bekebu raḵ sir nebë loo nyë ḵos sën nesis böpata beberup neggërin loo rot lo. Gesir nebë betuheng sën detök vu yaḡek meto malaj nema gesu denejêh raḵ hil rë lo. Om alam nijpaya saga na demedo nyëḡ malakenu degwata los degwata nabë saga.

Alam Nebë Sënë Rëḵ Degeḵoŋaa Nipaya Nyëvewen

¹⁴In Enok sën yi degwa vu Adam beberup yi netu nemadvahi-bevidek-luu lo tu mehö-nenër-gaḡek-rangahsën nyëdahis menër gaḡek raḵ alam sagi bë, “Ham gwengö rë! Mehöböp losho yi alam vabuung mehömehö rëḵ denam ¹⁵in degenḡo mehönön pin hir gaḡek bemëm bo nyëvewen gelek alam nij paya doḵ nahŋaa nipaya pin sën denevongŋ lo, gevu alam sën nij nelëlin yi lo. Log rëḵ bo nyëvewen doḵ nah hir gaḡek pelësën sën denenër raḵ yi lo geving.” ¹⁶In alam sagi og denenër gaḡek yah nenga rak

alam, log ahëj nipaya in ngaa pin sën netök vu sir lo. Log denesepa loḵ ngaa pin sën malaj anon in lo. Log denevonḡ taveḵ beyö denevengwëḡ jeggin jeggin medeneḵo sir raḵ bë sir alam böp. Log denevonḡ ḡaḡek jeji jeji vu mehö ngwë in bë dedoḵ vu sir jaḵ ngaa vahi.

Ham Ngo Gwevonḡ Geving Bemedo

¹⁷Rëḵ mu sa mehö lo-e. Ham ngo kwamin bo hil Mehöböp Yesu Kerisi yi sinarë lo hir ḡaḡek sën denenër wirek lo rë. ¹⁸Denenër bë, “Doḵ sën nabë Buk-tamusën dus jaḵ lo, og mehö la rëḵ deberup medenanöp jaḵ alam sën denesepa loḵ Anutu lo. Alam sagi rëḵ desepa doḵ ngaa nipaya pin sën malaj anon in lo mu.” ¹⁹Alam sagi rëḵ dejak ngaa-dob-yi ni mu, gAnon Vabuung su rëḵ medo geving sir rë, lob degevonḡ in nabë begö berup beKerisi-yi-alam debasuh sir. ²⁰Rëḵ mu ham sën sa mehö ham lo, ham nevonḡ ving Anutu yi ḡaḡek vabuung vorot. Om ham najom ahon bekwamin bo jaḵ buk in ham nimin wëëḵ jaḵ. Log Anon Vabuung tateḵin ham kwamin beham medo najom jaḵ los niwëëḵ. ²¹Ham su gwetah ham in Anutu sën ahë neving ham lo. Geham gweḡin hil Mehöböp Yesu Kerisi in kwa vonḡin ham, om rëḵ gevonḡ beham medo malamin-tumsën degwata los degwata. ²²Log nabë alam nij paya saga hir ḡaḡek gevonḡ balam vahi kwaj na luu luu, og ham tateḵin ḡaḡek anon vu sir. ²³Log vonḡ bë alam vahi denedo loḵ nengwah, om ham gwetah sir vër pevis. Log alam vahi og ham doḵ vu sir. Rëḵ mu ham gweḡin ham nivesa begöneng in hir ngaa nipaya bemedo ading in. In rëḵ jikin ham geving, in saga nebë tob ningöhek.

Hil Ahëd Nivesa Vu Anutu

²⁴Anutu yoh vu bë geḡin ham nivesa beham su rëḵ bës rë, gaḵ yoh vu bë geḵo ham nah medo geving yi sën mehö niwëëḵ los ḡayeheng lo. Yö yoh vu bë rëḵ gevonḡ bengaa nipaya su gëp vu ham rë, gaḵ ham rëḵ medo geving yi los ahëmin nivesa rot. ²⁵Anutu yiḵ perurek timu sën lo neḵo hil yom vu yi raḵ ngaa sën hil Mehöböp Yesu Kerisi vonḡ lo, om hil ḡaḵo arë jaḵ na vavunë rot menanër nabë yi Mehö niwëëḵ los ḡayeheng, getu ngaa pin ala. Yö nedo nebë sënë wirek, gegwëbeng, gerëḵ medo vu Buk-tamusën geving, degwata los degwata. Yönon.